



ԵՎՐԱՍԻԱԿԱՆ ՏՆՏԵՍԱԿԱՆ ՀԱՆՁՆԱԺՈՂՈՎ

ԽՈՐՀՈՒՐԴ

---

ՈՐՈՇՈՒՄ

9 օգոստոսի 2016 թվականի

թիվ 64

քաղ. Մոսկվա

**Մաքսային միության հանձնաժողովի որոշ որոշումներում  
փոփոխություններ կատարելու մասին եւ Ռուսաստանի Դաշնության  
տարածք ներմուծվող՝ նավաշինական արդյունաբերության համար  
նախատեսված հաստոցների առանձին տեսակների ցանկը  
հաստատելու մասին**

«Եվրասիական տնտեսական միության մասին» 2014 թվականի մայիսի 29-ի պայմանագրի 43-րդ եւ 45-րդ հոդվածներին, «Եվրասիական տնտեսական հանձնաժողովի մասին» հիմնադրույթի («Եվրասիական տնտեսական միության մասին» 2014 թվականի մայիսի 29-ի պայմանագրի թիվ 1 հավելված) 16-րդ եւ 18-րդ կետերին եւ Եվրասիական տնտեսական բարձրագույն խորհրդի 2014 թվականի դեկտեմբերի 23-ի թիվ 98 որոշմամբ հաստատված՝ Եվրասիական տնտեսական հանձնաժողովի աշխատանքի կանոնակարգի թիվ 1 հավելվածի 7-րդ եւ 16-րդ կետերին համապատասխան՝ Եվրասիական տնտեսական հանձնաժողովի խորհուրդը **որոշեց**.

1. «Բելառուսի Հանրապետության, Ղազախստանի Հանրապետության եւ Ռուսաստանի Դաշնության մաքսային միության միասնական մաքսասակագնային կարգավորման մասին» Մաքսային միության հանձնաժողովի 2009 թվականի նոյեմբերի 27-ի թիվ 130 որոշման 7-րդ կետը լրացնել հետեւյալ բովանդակությամբ 7.1.27 ենթակետով՝

«7.1.27. 2016 թվականի հուլիսի 1-ից մինչեւ 2016 թվականի հոկտեմբերի 31-ը ներառյալ պետական պաշտպանության պատվերը կատարելու նպատակով նավաշինական արդյունաբերության համար նախատեսված հաստոցների ներմուծումը Ռուսաստանի Դաշնություն Եվրասիական տնտեսական հանձնաժողովի խորհրդի 2016 թվականի օգոստոսի 9-ի թիվ 64 որոշմամբ հաստատված՝ Ռուսաստանի Դաշնության տարածք ներմուծվող՝ նավաշինական արդյունաբերության համար նախատեսված հաստոցների առանձին տեսակների ցանկի համաձայն:

Նշված արտոնությունը տրամադրվում է Ռուսաստանի Դաշնության մաքսային մարմիններ ներմուծվող ապրանքների նպատակային նշանակության հաստատումը ներկայացնելու պայմանով, որը տրվել է Ռուսաստանի Դաշնության արդյունաբերության եւ առետրի նախարարության կողմից եւ տեղեկություններ է պարունակում այդ ապրանքների անվանացանկի, քանակի, արժեքի, ինչպես նաեւ դրանց ներմուծումն իրականացնող կազմակերպությունների մասին:»:

2. Մաքսային միության միասնական մաքսային տարածք ապրանքների առանձին կատեգորիաների ներմուծման դեպքում Մաքսային միության հանձնաժողովի 2011 թվականի հուլիսի 15-ի թիվ 728 որոշմամբ հաստատված՝ մաքսատուրքերի վճարումից ազատման կարգի 15-րդ կետում «7.1.26» թվերը փոխարինել «7.1.27» թվերով:

3. Հաստատել Ռուսաստանի Դաշնության տարածք ներմուծվող՝ նավաշինական արդյունաբերության համար նախատեսված հաստոցների առանձին տեսակների՝ կից ներկայացվող ցանկը:

4. Սույն Որոշումն ուժի մեջ է մտնում դրա պաշտոնական հրապարակման օրվանից 10 օրացուցային օրը լրանալուց հետո եւ տարածվում է 2016 թվականի հուլիսի 1-ից առաջացած իրավահարաբերությունների վրա:

**Եվրասիական տնտեսական հանձնաժողովի խորհրդի անդամներ**

<b>Հայաստանի Հանրապետությունից՝</b>	<b>Բելառուսի Հանրապետությունից՝</b>	<b>Ղազախստանի Հանրապետությունից՝</b>	<b>Ղրղզստանի Հանրապետությունից՝</b>	<b>Ռուսաստանի Դաշնությունից՝</b>
<b>Վ. Գաբրիելյան</b>	<b>Վ. Մատյուշենսկի</b>	<b>Բ. Մազինտաեւ</b>	<b>Օ. Պանկրատով</b>	<b>Ի.Շուվալով</b>

ՀԱՍՏԱՏՎԱԾ Է

Եվրասիական տնտեսական  
հանձնաժողովի խորհրդի 2016 թվականի  
օգոստոսի 9-ի թիվ 64 որոշմամբ

ՑԱՆԿ

Ռուսաստանի Դաշնության տարածք ներմուծվող՝ նավաշինական  
արդյունաբերության համար նախատեսված հաստոցների  
առանձին տեսակների

ԵԱՏՄ ԱՏԳ ԱԱ ծածկագիրը	Ապրանքի անվանումը
8458 11 200 9-ից	Հաստոցներ՝ խառատային, հորիզոնական, բազմանպատակ՝ թվային ծրագրային կառավարմամբ 0,015 մմ-ից ոչ ցածր ճշգրտությամբ՝ 1000 մմ երկարության վրա եւ 2700 մմ (տրամագիծ) x 6000 մմ-ից (երկարություն) ոչ պակաս նախապատրաստվածքի չափերով
8458 91 200 8-ից	Հաստոցներ՝ խառատային, բազմանպատակ՝ թվային ծրագրային կառավարմամբ բարձրարտադրողական եւ բարձր ճշգրտության խառատային, ֆրեզային ու հղկման մշակման համար եւ 3000 մմ (տրամագիծ) x 1840 մմ-ից (բարձրություն) ոչ պակաս նախապատրաստվածքի չափերով
8460 21 900 8-ից	Հաստոցներ՝ հղկիչ՝ ցանկացած առանցքի նկատմամբ դիրքավորման 0,005 մմ-ից ոչ պակաս ճշգրտությամբ
8461 40 110 2-ից	Հաստոցներ՝ ատամնահատիչ՝ թվային ծրագրային կառավարմամբ՝ շեղատամնավոր, երկշեղ գլանաձեւ ատամնանիվների պարուրակման համար՝ 3000 մմ-ից

ոչ պակաս տրամագծով, 1750 մմ-ից ոչ պակաս բարձրությամբ եւ գծաձեւ առանցքների նկատմամբ դիրքավորման 0,005 մմ-ից ոչ պակաս ճշգրտությամբ

8461 40 310 0-ից Հաստոցներ՝ ատամնահատիչ՝ թվային ծրագրային կառավարմամբ պարուրաձեւ կոնաձեւ անիվների պարուրակման համար՝ 1000 մմ-ից ոչ պակաս տրամագծով, 150 մմ-ից ոչ պակաս բարձրությամբ եւ գծաձեւ առանցքների նկատմամբ դիրքավորման 0,005 մմ-ից ոչ պակաս ճշգրտությամբ

8461 40 710 0-ից Հաստոցներ՝ ատամնահղկման՝ մանրաչափային կարգավորիչ սարքվածքներով թվային ծրագրային կառավարմամբ եւ ցանկացած առանցքի նկատմամբ դիրքավորման 0,005 մմ-ից ոչ ցածր ճշգրտությամբ՝ 3000 մմ-ից ոչ պակաս մշակման տրամագծով եւ 1500 մմ-ից ոչ պակաս բարձրությամբ

Ծանոթագրություն: Սույն ցանկի նպատակներով անհրաժեշտ է առաջնորդվել ինչպես ԵՍՏՄ ԱՏԳ ԱԱ ծածկագրով, այնպես էլ ապրանքի անվանմամբ:

